

310.

Herzog Georg von Sachsen bekennt, daß er an die Universität 18 Gulden jährlicher wiederkäuflicher Zinsen auf dem Einkommen des Amtes zu Leipzig, für 300 Gulden Hauptsumme, die er von der Universität empfangen, verkauft habe.

Leipzig, 1516 Apr. 8.

Hdschr.: Copiale magnum T. I, fol. 32.

5

311.

Bericht der Universität an Herzog Georg, worin die Beschwerden der Studenten, daß ihnen von den Professoren zu viel Unkosten gemacht und Strafen auferlegt würden, beantwortet werden.

Leipzig, 1516 Apr. 13.

Hdschr.: Concept Hauptstaatsarchiv Dresden, Universität, Raths und andere Händel 1367—1537 loc. 10532 fol. 435—436.

10

Durchlaucher hochgeborner furst. Euernn furstlichen gnaden seyn unser willige gehorsame dinste altzeit zu vorinn. Gnediger furst und herr. Wir haben etzliche Deutsche artickel, so unsere studenten zu beschweren und beclagen die universitet e. f. g. furgetragen, von e. f. g. cantzler empfangen. Erstlich lautet der erst artikel also: „Man 15 vleissigt sich wie man von den studenten das gelt brengenn müg unnd seyn gleich als dy eggelnn; wie dieselben das blut saugen, also saugen wir inen das gelt aus dem beutel, auch zu tzeitten mit vorletzung der studenten ere und gutten geruchts.“ Dorauf wir e. f. g. underteniglich zu wissen fugen, das alle lectiones und exercitia aller facultet inhalts e. f. g. reformacion und ordnung ane gelt und aussaugung der studenten umb- 20 sunst gelesen werden. Auch seynn die expens die gemeyne studenten bey iren preceptoribus und magistris in gehorsam und zuwachsung ynen und der universiteten itzunder geringer dan vorhin gewest. Dan eyn student vor funff grosschen bey einem magistro eyn wochen essen und trincken gehalten mag, aber die vortzerung die von den andern studenten yn der stadt auserhalb des gehorsams an alle preceptores bey den 25 burgern und andernn unnutzlich geschicht, mag inen das gelt aus den beuteln zihen. Dartzu seyn die promotiones geringer dan vorhin gewest. Es mag auch uff die pen, so man umb ire ubertretung genohmen, keynen bestant der warheit haben, vil weniger der wohnung halben, die geringer in collegiis dan in der stadt gedeutet werden. Auch begern e. f. g. die ubertreter nach inhalt der statut zu straffen, wie dan eyn itzlich rector 30 das zu tun geschworen. Es wil auch der rector auf erforderung e. f. g. eynes itzlichen studenten pen, so kegenwertig der gestrafft gerne eroffenn, auf das erkant das sulche clagen eyn schmech, schendunge und calumnirung der universitet und derselbien regentenn ist. Es wirdt auch keyner relegirt ader excludirt und also an seinen eren und gutten gerucht vorletzet, es werde dan seyn missetat vor gnugsam durch sein eigen be- 35 kenntnis ader beweisung vor dem consilio der universitet erkant. Zum andern wirt uns vorgehalten diser artickel: „Item man tut keyne acht auf redliche galante personen, sunder alles geht mit gunst und heulerey tzu und alles was man vornymt, geschicht